

أحمد حلمى

جدران الماضى

أشعار بالعامية المصرية

الطبعة الأولى ٢٠١٧

بطاقة الكتاب

عنوان المؤلف : جدران الماضي
المؤلف : أحمد حلمى احمد
التصنيف : أشعار بالعامية المصرية
رقم الإيداع : 23082 - 2017
عدد الصفحات : 102 صفحة
رقم الإصدار الداخلى : 66
تاريخ الإصدار الداخلى : 11 / 2017 طبعة أولى
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 58365
بطاقة ضريبية : 165-5-00031-572-01-35
رقم التسجيل : 202-662-544-2017-7
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat

هاتف : 01011256943 - 01116202218 - 01202541192

الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣



المقدمة

الحمد لله الذى بنعمته تتم الصالحات

ديوانى الاول جدران الماضى بين يديكم اتمنى ان ينول
رضاكم واتمنى ان انول دعمكم وحبكم ...

شاعر بلاد النيل / احمد حلمى احمد

شكر لكل من وثق فى قلمى شكر لكل من تمنى ان يرى
قصائدى فى عمل بين يديه شكر لكل احبائى واهلى
واصحابى اللى ايمانهم بيا مقلش .

شكر خاص امى, ابنى, زوجتى, اخواتى , قدوتى بالحياة خالى
,اولادى

اتمنى ان اكون فخرا لكم , احبابى اهديكم اول ما انشر من
قصائد .

مصباح قديم

مصباح قديم

كان تحت بيتنا

شاهد على الماضى

اللى فاتنا

شاهد على ابويا

اللى هاجر

لجل ما يامن

حياتنا

شاهد على الحلم

اللى سافر

وشاهد على الفرحة

اللى غابت

ومن بعدها رجعت

وجتتا

* * * *

مصباح وکان همی

یهمه

لما اتکسر مره ازازه

مکانش غیری یروح

یلمه

العب قصاده یکون

سعید

ابکی بکایا کان

یغمه

کان فی ارتباط بینا

وثیق

لحد ما مر الزمن
وانتهى بينا الطريق

* * * *

كان عشري زبي
يحب يحفظ الوشوش
اه كان مصدى وكمان
مترب

بس كان فى العتمه
وحده كان بشوش
بس جه يوم اتركن
ولما الحنين زاد اليه
ملقتوش

حبة فراق

حبة فراق متلمعين

بالدمعتين

حبة فراق لكن مليهم

الشجن

اربع حروف ابتدينا

و كلمتين

وعين بتبكي رافضه تدفع

التمن

حتى الايدين متشبكين

و متبتين

فيهم سؤال لكن حزين !!

بعد اما اسيبه
هعيش لايه وكمان لمين ؟!
ما انا عمرى ما اتصورت
انى افترق
دانا لما كنت بشوفه
فغنيه بتسرق
دانا كنت لما بنام
بكون حاضن ملامحه
وفى ثانيه يجى الوقت
وبناره اتحرق
شايف فى عينك الف
كلمه ملغطين
والف ذكرى عالسنين
متقسمين

بتبصى فى عنيا وبتلومى

القدر

عايزك تكونى مؤمنه

ماحناش ملايكه داحنا

يدوب بشر

فبلاش تخلقى الحزن

يقتل فرحتى بانى بشوفك

وبلاش تخلىنى افتكى

ان ده اخر لقا

فيملكنى خوفك

وان دول حبة فراق

متلمعين بالدمعتين

وان الانين مالى المكان

وان الايديين متشبكين

ومتبتين
وانى بعدك موتى احلى
شكل ينفع للحنين .

دايرة المقسوم

فى دايره المقسوم

انك تكون بتحبتها

ويوم ما تيجى

تروحها

تبقى لغيرك

مش قسمتك .

فى دايره المقسوم

انك تعافر لجل

ما تصد العدا

لجل ما تعز ولادك

وتبقى صاين للندا

وللأسف يصبح
ولادك الجناه .
فى دايره المقسوم
انك تكون مستنى
ترجع للوطن
وتكون سنين
من العمر دافع
للتمن
وتروحله عايز
تحضنه
تلاقى حضنه
ميسيعكش
يكون سكن .
فى دايره المقسوم

انك تكون غرقان

لامم شراع

مركبك

لا فارق معاك

سكتك

ولا فارقه ليك

امواج

ما هي برده

هتغلبك .

فى دايره المقسوم

انك تصوم وتصوم

ولما يحين الاذان

من الزاد تكون

محروم .

فی دایره المقسوم

بلدك بتتغير

مستنى يوم تكبر

بس الفساد اكبر

وده كمان معلوم

فی دایره المقسوم .

انا منك

وفى الواقع انا منك
برغم اختلاف السن
برغم اختلاف الاسم
وحتى اختلاف اللون
اكيد منك

انا منك يا بسمه
فى ليل كئيب مكبوت
يا ضحكك كاسره
اى سكوت
يا بلسم شافى لجراحى
ولو كنت فى فراش
الموت

بيكفينى اكون جنبك

وجنبك ببقى انا

مبسوط

انا منك

عشقت الضى لما الضى

لقيته بس فى عيونك

ودللت لاهالى الحى

علشان تبقيلى واصونك

انا منك

غزلتلك شعور الحور

حرير بالمسك متعطر

ماليه النور

ووسط خطوطك المرسومه

جوه الوشم لقيت

اسمى
عليكى ضحكه مالهـاش وصف
ولا من السهل
تترسمى
انا منك

عند ستي ... ذكريات

**** ذكرىأولى ****

بتحكى عن احلام طفولة

كنت عيل كنت تافه

بس عمرى ماكنت سافه

كنت بلعب وسط زمرة

من العيال

كنت واخذ كل لعبه انها

حرب و بطولة !!

**** ذكرىتانيه ****

قاعده حلوه ويا خالى

زى كل يوم خميس

بكره جمعه وده اجازہ
سهره حلوه وليها عازہ
يتلوا فى الاشعار شويه
شعر دينى لكن وجيز
تبدأ الضحكات تلالى
اشى هنا مسرحيه
وحبه فيلم وله قضية
وحبه شطرنج مع التسالى
** ذكرىتالته **
بت حلوه بس فلتة
تشوفنى تضحك اجى
اقرب تيجى ساكتة
اتكسف منها وارجع
اخاف يجيلى من وراها

ای ورطه

ایوه كنت جبان و عیل

بس من الاخلاق بکیل

كنت بقلق اجیب لاهلی

الكلام من فعل غلطة

ذکری رابعه

قاعد على النيل ممد

رامی سنارتی و طعمی

راسی مستنی الفرّج

وقهوتی عالنار بتغلی

بنسی کل همومی فیها

وفجأه هب الرزق

جالى وبلفه واحدة

كان عندى و خرج

رزقی کان سمکه عفیه
صیدی لیها مش احتیاج
ده بس غیه
علمتنی اکون صبور
وان مهما العتمه تكثر
جای نور

* * * *

عند ستي علمونی اکون

عفیف

علمونی قلبی ابیض

اکون نضیف

علمونی اقسام مع الغلبان

رغیف

وانی اشقی علشان اکون

وحتى انی انام خفیف

عند ستي... ذکریات

عند ستي علمونی اکون انا

عند ستي... ذکریات

تکفینی میه سنه

سراقه یا دنیا

سراقه یا دنیا

مبتخلیش

یوم لیا وبعده

بیبقی مالیش

مقتول متقطع

من جوه

ومن بره شایفانی

بعیش

سراقه یا دنیا

ومش قادر

اخضع ولا اهرب

واغادر
راضى ومتوجع
من همك
مؤمن بالرب
وبالاديان
لكن بهمومك
انا كافر
سراقه يا دنيا
يا مجذوبه
سنه كره وساعه
محبوبه
دايما غلبانى
وكاسرانى
والاسم يعينى

مغلوبه
سراقه يا دنيا
انا متغرب !!
تاخذى الاحباب
والخلان
لو ثانيه شوفتيني
بقرب
لو نفسى اصلحك
احوالك
دايما شايفانى
بخر
سراقه يا دنيا
لاحلامى
سراقه رجعت

انا وحدانى
ماشى فى وسط
الناس بضحك
لكن جوايا
وجعانى
سراقه يا دنيا
كفينى
عطشان حنيه
اسقينى

سراقه يا دنيا
لاحبابك
مش عايزك ارتاحى
جناك
كام واحد تبت
بسنايه
سبتيه وعمره ما
سابك
سراقه يا دنيا

ناس بوشين

لبستوا

ثوب الطهارة

وعملوا

فيها عفاف

وتصرفاتكم

بأيخه

ما فيها

غير اسفاف

بتضحكوا

على عقولنا

ما كفايه

استخفاف

ما تزرعوا المحبه

ولا حياتكوا

عجاف

لابسين

ليه الابيض

عاملين لى

فيها نضاف

ياللى ازاكم زاد

ما تخفوا

علاشراف

فاكرينى

انى اهيبيكم

والله منكم

ما اخاف

ماشييين بوش

ووش

وبتلعنوا

الاصاف

بتعييوا ليه

عالخلق

ده القلب

فيكم شاف

ومشفش فيكم

يسر

الا هدومكم

نضاف

ما تخفوا

عالاشراف

عنقود ياقوت

يمر البشر عليه

كضيوف

وفى ايديهم

ماهوش زينة

وبكتب التاريخ

موصوف

واصله عربى

زيننا

تحب تشوفه

فى ايديهم معاه

عكاز

وعمة وجبة

والقفطان تحس
حراس
عنقود ياقوت
الوانه زاهية
وفيه حكايات من
التراث
ببقى لاقى
كل حبه ماسكه
فى ايدين اختها
مرة تشوفه فى
ايد امام
ومره واحد ما يعرفش
حتى عدها
حبات بلمعة

جوه قلبك تلمسك
وخيطة مذهب
حاله كما حال
الوريد
عنقود ياقوت
دايما يلازمك وسط
باحاتك
حباته مترابطة عينك
تحبه من بعيد
ما هي عارفة
لو يوم انفرط
اكيد يا ضايعة
يا اما هتموت
من جديد

نقطتين وشرطة

اهل العرب

نقطتين وشرطه

وكام نكسه وكام غلطة

وكام لمة فى جامعكم

وكام ورده فى سكتكم

وتيجى وراها ١٠٠ ورطة

* * * *

نفتح قوس

فلسطين ليبيا سوريا

عراق وكمان شرطه

تليها مرؤه ويا نخوه

كمان عروبتنا والاخوه

بلاش عروبتنا ديه غلطة
ونقفل قوسنا بالخيبة
وبكفايانا ١٠٠ عيبة
دا كله ساعى للسلطة
ونقطه واحده بلا شرطة

* * * *

حكام العرب
نقتطين وكمان شرطة
بعد التحيه والسلام
وبعد ما قسمتم ضهورنا
ليكم علينا الاحترام
ما احنا اهل الاحترام
والانكسار والانهازام
وبعد ما تموت فينا

روحنا
وبعد ما نداوى
جروحنا
تفتحوها باهتمام
ليكم علينا الاحترام
وكم ان نقطه بلا شرطه

* * * *

الراى العام
نقطين وشرطه
وهمه مكسوره
وكام مليون
بيستنى ويتقاتل
وكام سبه بتطلع فيها
من سافل

وكله لجل هالازمه

وناس عاليه

وناس ماليها

يوم لازمه

ولقاءات كافيه

تتسائل

ويطلع فيها في الاخر

لاعب مكسور وكله عويل

ومرمى يتوجع على نجيله

ونقطه برده بلا شرطه

* * * *

الختام

نقتطين وشرطه
لامتى هيضيقي البراح
لامتى هنصد الرياح
لامتى يبقى الذل فينا
لشباب مكسور الجناح
نقطه واحدة بلا شرطه

ثورة تانى

حى شعبى

بيوت عتيقه

صوت دمار

و نيران صديقة

صرخه اقوى لكن

برينه

ويا ما بلاد اتدمرت

بنفس الطريقة

* * * *

صوت الرياح كان

فى الشتا
وناس فى شارع
باقلها كام يوم
مبيتة
لجان شعبية
وكام صخره
متفتته

* * * *

مليون فى لمة
فى وش مدفع
وناس بتركض
وناس بتهرب
وناس سال دماها

وبعمرها كانت
تضحى ولموتها
كانت تقرب

* * * *

روحنا الميدان
وكننا سبعة
طبعا رجعا !!!
واحد فى قلبه
رصاصه
واحد فى عينه
رصاصه
وتلاته تانى
جات فى راسهم
الخلاصة

ورجعت انا وصاحبى

ملناش حراسة !!!

* * * *

ثورة تانى لجل

بلدى

لجل ما الليل

الى طول ده

يعدى

ثوره تانى

ليك يا ولدى

ثوره ليك علشان

تصلى وتدعى

الف رحمه ونور

يا والدى

ثوره تانى

على باب بيتنا عدت

عرافة

على باب بيتنا

عدت عرافة

لوشوش الناس

وصافه

قلتله تعالى يا خالة

بسلام الرب ناديتنى

وقالتلى حالتك حالة

فرشت منديلها وحصواته

لميتهم مره وفردتهم
وقالتلى يا ولدى تعاله

* * *

بصتلى وقالت وناس
لكن شايفاك غير الناس
الكل على عيشتك حاسدك
لكن شيفاك محتاس !!!
مرعوب من الجاى وبكره
لا سلاحك عز وجاه
ده سلاحك حته فكره
وقصاد الناس زى البحر
لكن امواجك عكره
الظاهر منك قوه
والباطن ملناش فكره

زى المجروح فى نذيفة
لا دموعه تطفى الاله
ولا قوه بتغلب خوفه
نصيبك ومهما تحيده
مكتوب واكيد هتشوفه
زى المرسوم على لوح
بتشد الجاى والرايح
لكن معدوم الروح
دمعك الوان على ورقه
شكلك خلانى انوح
اسمك مكتوب لكن
متشغبط
جواك مكسور متلغبط
عايش لكن مستعبط

والعیشه کمان هتروح

* * *

لکن یا ولدی ما تخاف

ده کله هیرحل ویغور

نصیبک فی احلامک

متشاف

وعلی غیرک اوعلی تجور

قلتلهیا شیخه خوفتینی

قومی فزی یلا فارقینی

راح اصلی العصر وهرجع

دا انا لیا رب ینجینی

علی باب بیتنا عدت

عرافة

من شوية صغيرين

من شوية صغيرين
كنت بلعن فى السنين
من شوية صغيرين
كان بيقتلنى الحنين
كنت بتدارى فى خوفى
لجل ما ادفن الاتين
لجل ما يحسوش اهاتى
ويسالونى ليه وفين
من شوية صغيرين
كنت لسه يدوب بغنى
من شوية صغيرين

كنت تأيه جوه منى
من شوية صغيرين
كنت لسه فى صغر سننى
من شوية صغيرين
كنت بحلم للحياه
من شوية صغيرين
سابنى حلمى كمان وتاه
من شوية صغيرين
انا جدى مات
راح وسابلى يدوب
شوية ذكريات
من شوية صغيرين
كنت بعشق السكات
من شوية صغيرين

كنت مشتاق للقا
كنت اعد فى الساعات
من شوية صغيرين
كنت فاتح للبيان
من شوية صغيرين
كنت واقف فى الميدان
من شوية صغيرين
كنت برسم عالحيطان
من شوية صغيرين
كنت حاسس بالامان
من شوية صغيرين
كنت راضى ومش جعان
من شوية صغيرين
كنت لسه فى حضن ابويا

كنت باخذ العزا
كنت ببكى لموت اخويا
بعد ما قلبى اتاذى
من شوية صغيرين
انا كنت عايش
بس مت مع السنين
من شوية صغيرين

مین فینا قلبه مش ازاز

مین فینا قلبه مش ازاز!؟

حتى اللى بان منه اسى

مین فینا روحه من فولاذ!؟

ومداقش قلبه يوم اسى

مین اللى فاكر كل شئ!؟

ومین اللى ناسى و اتنسى

حتى المكان اللى اختذلنا

فيه المشاعر

نسى الحنين نسى السنين

ازای قولیلی هیبقى باقى

وازای هیبقى لینا فاكر

ما خلاص جفانا ونسی لقانا

سابنا وهاجر

مین فینا ہش و مین ضعیف

وخاف یحب من الوجع

مین فینا لف و مین عقیف

وحلم یكون لیها جدع

مین فینا کان عثمان اوی

وف حبیبہ اتخدع

مین فینا عافر بالقوی

مین فینا شارب کاس عذاب

لکن بمرہ مرتوی

من فینا بنا عشه

وحاوطه بجنحاته

مین فینا کان حلمه حبایب

قرر يعيش ليهم حياته
وفى وسط زحمه الحنين
سابوه وماتوا
مين فينا قلبه مش ازاز؟!
حتى اللى بان منه اسى
مين فينا روحه من فولاذ
مين فينا حب وما تنسى

الدرويش

اسمك ايه ؟

مخبول مهبول

بهلول قول عليا

زى متقول

هتسالنى عايش

كده ليه

وردى عليك مهوش

موصول

والف حكايه متداخلين

والف كلام مهوش

معقول

علشان مخبول

* * *

خبلى عقل

اعلامها

ومن حكاويها

وايامها

ومن علما ومن

اعيان

ومن اسعارها فى

الدكان

ومن مقتول ومن

مقفول

ومن ريحه الدخان

ومن انسان مهوش

انسان

بیتعامل ولا

الحيوان

* * *

ومين مسئول

بیتکلمی بالاغاز

ومن ظابط

فی وش الحق

رامی الغاز

ومن فاشل و بیحارب

الافراز

ومن جاهل و بیدافع

عن الجاهل ولیه

منحاز

ومن عاجز مُصر

يهد في شبابها

ويمدلهم العكاز

* * *

عرفت انا ليه

عاش كده ليه

مين انتا ؟

انا الدرويش

انا اللي تشوفنى

بتهيبنى ومتسبنيش

انا الزاهد فى عيشه

احلى من عيشتك

انا اللي همومكم

متلزمينيش

لا انا شيعى ولا صوفى
ولا خوفكم سبب خوفى
لكن خوفى من الواحد
وفى رحابه بموت وبعيش
انا الدرويش

أمة موقرة

وفى مدينة

بالية

رايت عين

باكية

فسالتها ...

ماذا اصابك يا ترى ؟

ردت بانى حرة

بُلّيت

بظلم مفترى

بين اشلاء

المدائن

وفى كل ركن

بالقرى

بماذا بليتى

اخيّتى

وانتى حرة

محررة ؟

وكيف باء

حالك

فى شبه

ارض مقبره؟!!!

اسمع وانصت

يا اخى

انا بنت امة

موقرة

تسعى لوحدة

شعبها

على حبر

ورقه مبعثرة

امه بجهلها

تفتخر

للعدل فيها

تفتقر

وكل اشكال

الفساد

هى كالمناهج

مقررة

والنخبة

تلميذ نجيب

والباقي
دميه منشرة
في كل ارجاء
البلاد
تحلم وتنعم
بالفساد
تتغنى بان
حالتها
اصبح
تحت السيطرة
عذرا في
قولي اخيتي
فانت بنت امة
صار كفيفة

لا تره
امتنا العربية
خبرينا
متى نفجر
عين عدلك
وتسقيننا
متى نكون امة
ومتى
تملأنا السكينة
متى نحارب
كل
غاصب مهينا
امتنا خبرينا

جدران الماضي

يا نسائم الشتاء

ذكرينا

وبذكر الماضي

بسمينا

كبرنا

ولم تستطع

السنين

ان تنسينا

رائحة الشتاء

قد هبت اراضينا

واتت بكل ذكرى

ولو كانت
حزينه
ذكرتنا بالطفولة
والكهولة
والشبيبه
الاولينا
باليالى البرد
بانتظار الورد
والوعد المتينا
بسمينا واضحى
خلف
جدران الماضى
واشواق السنين
واطربينا بكل

انشوده حنين

واسمعينا

انشرى قطرات

دمعك فوق

الام الكسير

ضمدى كل

الجراح

وونسى ليل

الاسير

مر من

اعمارنا دهرا

فما بقى منها

الكثير

فذكرينا

وامتّعينا
فما نحن الا
دمعة
من وسط
دمع العاشقين

ناديت روحك

ناديت روحك

فى المساء

ولم تجب

هل كنتى

عندى

ام خيال

يحتجب

انا حبيبك

ام فى ظنى

احتسب

هل لى

فى قلبك

ان ابوح
وانتسب
يامن
فى حلمى
الى فؤادى
تقترب
يامن ذكرتك
لننسىم اعييه
انتى النسيم
وانتى كل
جماله
حتى النسيم
اذا مررتى
خلاله

كاد بغيرته
يثور
و يعتصب
انا حبيبك
ام فى ظنى
احتسب
جمعتى
اوصاف النساء
كلها
فوجدتنى
الى العيون
اصبو
و
انجذب

مالى فى قربك

اى عذر

املكه

ولا طريق غير

عندك اسلكه

انتى الوطن

وانا اليكى

انتسب

العشق

قالو عن العشق

وقد زادوا

فما ذكروا حُلوه

وما فادوا

فما هو

بمعسول الكلام

وانما

عفه للروح

وللقلوب فانه

زاد

العشق عمرا

لا يعد بالسنين

العشق وطننا
رايته الحنين
لا كلم يكفى
وصفه حتى
لسان العاشقين
ليلى فقد مات
فيها قيسها
واصبحوا قصصا
خالدين
العشق شعرا
غير منظوم
الكلام
بل يروى فصلا
فى الونام

ارسل تحياتي
لكل عاشق
ومن بعد اتبعه
السلام

الضريبة

انى ارى
اشياءا غريبة
منها يبكى
ومنها يضحك
ومنها ايضا
اشياءا مخيبة
وحين تمعنت
كثيرا بنظرى
فتذكرت بانى
مصرى
فان كنت نائم
او حتى سائر

او طاب لى
ان يوما اهاجر
اذا على بدفع
الضريبة
فواجهت نفسى
بصفعه مريبة
ما عليك استفسار
فمن اجل رفعة
بلادى الكنيبة
فلا بد من
ملئ الزكبية
فى كل وزاره
لاجل المناره
لجعل الجيوب

مثل الشيكاره

رايت بوجهي

ملاح عجيبة

فكيف اسلم

بامر البلاد

وكيف يهون

ظلم العباد

وكيف اراها

مثل النهية

فها قد

اتتنى الفكره

وانا سارح

امام المرايا

هي ان اهم

بلم الحقيبة
ولكنى تذكرت
شيئا
محتم على
دفع الضريبة
تراجعت ايضا
عن موقفى
فصعبت عليا
مصر الحبيبه
وها قد اخذت
قرارى لتوى
سيكون دمي
عليها الضريبة

دمعة بابواب فلسطين

وامام المعبر تلمحنى
عينا بالدمع تناجينى
ترجونى وتتوسل منى
هل لى ان احمى فلسطين
وارد الغاصب للارض
واحارب اعداء الدين
فالاهل بغزه قد ماتوا
ودموع القدس تعزينى
يا عين كفاكى دمعا
من بعد الوطن سيبيكىنى!!
قد عشت بداخله عمرى
من بعد الوطن سياوينى؟

فتأثر قلبي وتحشب
وتبلد دم شراييني
بالأقصى شبابا قد ماتوا
والباقي منتظر الحين
فكساني الهم واعيانى
من دمه بابواب فلسطين

فى الميكرو باص

انتابنى شعور

بانى كنت احلم

فتضارب الواقع

بالخيال فاكشفت

بان الموت اكرم

عذرا اتعرفنى

لا اعلم !!

وضعت يدا على يد

وقالت :

مالهم ولاد الناس

الكمل

وبلويه من بوز

ابكم
ضحكت وصارت
تتمتم
فاعترانى الخجل
منها
فاعذرت بكل هم
نظرت بعينى وقالت
بس انبى يا اخويا
لا تفعل
ضحكت وصارت
فى النوا تشدوا
بقهقهه افخم
جاتها نيله الى
تزعلك هى ايه

ابوها احول
فانتزعت من اعماق
صدرى ضحكى
وقالت :
هون على نفسك
يا اهل
رجعت بذاكرتها
اعواما وقالت
مثلك كنت يوما
احلم
وسابنى الواطى
الاهطل
قصت على زعمها
عن هذا الشخص

الذى اجهل
فاكتشفت بانه
شخص عبيط
ومغفل
وحيث جاء
ميعاد نزولى
قررت الا احدثها
فهذا اكرم
فى الميكروباص

جدتى

يا ام امى

ولكنك امى

يا من بعينى

رايت فيكى

الجود والحلم

امّا وانتى مدينة

فيك المحبة

والصبر والالم

اما عددتك

فى الوفاء

كمرجعا

وظللت اكتب

من خطوطك
للحياة مقالة
فاذا بدات الحكى
لا اظن بانى
راجعا
سيدة انتى
قد خط الزمان
بوجهها
فكتب فيكى
المقال والاشعار
ساجعا
اماه
ربيت امى
على الحنان

فاتها
نبيع الحنين
فهي الملاك
كانها
وحدك جدتي
فككت رموز
و
طلاسم الحياة
واستطعت فهمها
يستغربونك
كيف لعجوز امية
ان تستهين
بهذه الحياة
هكذا

لا يعلمون
كم هي صغيرة
باعينك
جدتي
عشقتك
بكل ما تقولين
عشقتك
حين تكرهين
عشقتك من صغرى
وحتى هذا الحين

ظن الحبيب

ظن الحبيب

اننى

عن عشقه

امتنع

الشوق يملأ

وحدتى

والقلب به

ولع

والعمر ينقص

فى الغياب

بلا وقف

ولا لكع

اصدااء صوتك
حول سمعى
تغدوا كطيف
فى الانحاء
فانا ورغم
خفوتة
مستمع
الناس على ارض
تسير
وانا بعشقتك وحدى
ارتفع
فلا كمال
اراه
مكتملا

الا وان كان قلبى

بك جمع

وتظنى يوما

اننى

على العشق

ممتنع

انى احبك

قدر حبا

لم يرى

له فى الورى

شكل

ولا مثل

فى قلبى امراه عبرية

فى قلبى امراه

عبرية

هى قصه عشق

حقيقه

لم تكن يوما

بخيال

ولا هى قصة

روائيه

تشتاق بشكل متردد

وتحن فى وقت

الظهريه

لا منها تنطق

بلفصحى
او حتى بلهجة
عامية
تشتاق لكل
الاعداء
شامى وعراقى
ومصريا
فى قلبى امرأة
عبرية
وبرغم عدائى
لمنشنها
وبرغم كرهى
الابديا
اشتاق اليها

ويؤرقني
تفكير بانها
عبرية
فى قلبى امراه
عبرية
تسالنى عاشقة
ارضك
فلماذا كرهك
اراضيا
فرددت بائى
مصريا
لم ياتى علينا
محتل
او حتى علينا

مغتصب واعرناه

اهمية

من داس باقدامة

الاقصى

من قتل عددا

لا يحصى

لن نكن اليه

مواليا

احببت امرأة

عبرية

احببت امرأة

واحببتى

وظننت بانها

تحمل

بعض الاحاسيس

البشرية

لكنها امرأة

عبرية

حتى لو ان

وان رقت

يغلبها الطبع

اليهوديا

احببت امرأة

عبرية

ولانى عربى

ووطنيا

فسالعن حبى

المخفيا

وسادفن
من اجل بلادی
اشواق القلب
ومآسیا
ولاجل فلسطين
الحره
فساشقوا على قلبی
واكتب
حبا لامرأة
عربية
ساحب امرأة
عربية
وسانسى الاخری
العبرية

واا دمعتاه

واا دمعتاه على حلب
من كم انهار من الدماء
قد انسكب
وحرقتاه على وطن
تبددت طرقاته وتدمرت
ماكان وطنا قد خرب
واا دمعتاه على حلب
سوريا تموت وتنتهى
من المناصر يا عرب
ما عاد فيكم منتصر
ينصر بلادا تنتحب

وادمعتاه على حلب
كنا دماءا واحدة
والرايه ايضا واحدة
اليوم كلنا مغترب
والا دمعته على حلب

الفهرس

- 3 مقدمة -
- 4 مصباح قديم -
- 7 حبة فراق -
- 11 دايرة المقسوم -
- 15 انا منك -
- 18 عند ستي ذكريات -
- 23 سراقه يا دنيا -
- 28 ناس بوشين -
- 31 عنقود ياقوت -
- 34 نقتطين وشرطة -
- 39 ثورة تانى -
- 44 على باب بيتنا عدت عرافة -
- 48 من شوية صغيرين -
- 52 مين فينا قلبة مش ازاز -
- 55 الدرويش -

60	- امة موقرة
65	- جدران الماضى
69	- ناديت روحك
73	- العشق
76	- الضريبة
80	- دمعة بابواب فلسطين
82	- فى الميكروباص
86	- جدتى
90	- ظن الحبيب
93	- فى قلبى امرأة عبرية
99	- وادمعتاه
101	- الفهرس